

What is the relevance of the Word to my life?

- Basahin ang Roma 3:9-18. Ang paglalarawan ng kalikasan ng pagiging tao ay totoo at tumpak. Sa iyong karanasan, aling mga bagay ang masasabi mong katibayan ng sinasabi sa Bibliya?
- Papaano naipapakita ang awa ng Diyos sa aklat ng Jonas?
- Base sa Efeso 2:8-10, anong pag-uugali ang makukuha natin kapag naintindihan nating iniligtas tayo ng grasya ng Diyos?

NOW WHAT

How do I apply the Word to my life?

- Papaano mo hinaharap ang kompromiso sa iyong buhay? Anong sinasabi ng Bibliya na mainam gawin dito (1 Corinto 15:33; Roma 13:1-5)?
- Ngayong alam mo na ang kalikasan ng tao, papaano mo haharapin ang mga nakasakit sayo? Anong hakbang ang gagawin mo upang mapatawad sila?
- Kailan at kanino mo pupwedeng ibahagi ang Magandang Balita ng grasya ng Diyos ngayong linggo?

PRAYER

- Manalangin na ang mga miyembro ng gating simbahan ay maintindihan na kailangan natin ang Diyos at kailangang nakasalalay tayo sa Kanya.
- Hilingin sa Diyos na makita mo at ng iyong grupo ang awa ng Diyos sa inyong buhay, sa iyong kumunidad, sa Pilipinas, at sa buong mundo.
- Magdasal na makita mo ang kahalagahan ng pagbahagi sa iba ng grasya ng Diyos sa kaligtasan.



VICTORY

Honor God. Make Disciples.

Karapatang Pag-aari © 2011

Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.

Ito ay hindi pinagbibili.

victory.org.ph

FILIPINO

ALL IN

Grasya

Week 2

NOTES

[illegible]

CONNECT

- Noong bata ka pa, anong uri ng pagdidisiplina ang ginawa ng iyong mga magulang na tanggap mo naman?
- Ibahagi ang isang kagandahang-loob na ginawa sa iyo ng taong hindi mo kaano-ano.
- Anong regalong tinanggap mo sa iyong kaarawan ang iyong paborito? Bakit?

WORD

³Dati, namuhay din tayong katulad nila. Namuhay tayo ayon sa pagnanasa ng laman at sinunod natin ang masasamang hilig ng katawan at pag-iisip. Sa kalagayan nating iyon, kasama rin sana nila tayo na nararapat parusahan ng Diyos. ⁴Ngunit napakamaawain ng Diyos at napakadakila ng pag-ibig niya sa atin, ⁵na kahit itinuturing tayong patay dahil sa mga kasalanan natin, muli niya tayong binuhay kasama si Cristo. (Kaya naligtas tayo dahil lamang sa biyaya ng Diyos.) ⁶At dahil sa pakikipag-isa natin kay Cristo Jesus, binuhay tayo ng Diyos mula sa mga patay kasama si Cristo, para maghari tayong kasama niya sa kaharian sa langit. ⁷Ginawa niya ito para maipakita niya sa lahat, sa darating na panahon, ang hindi mapapantayang kasaganaan ng biyaya niya at kabutihan na ibinigay niya sa atin sa pamamagitan ni Cristo Jesus.

Efeso 2:3-7

WHAT

What does the Bible say?

Ang regalo ay binibigay upang pahalagahan ang isang importanteng tao. Ito ay pagpapahiwatig ng pasasalamat. Ngunit ang kaligtasan sa kasalanan ay isang libreng regalo. Ang totoo nito, sabi ni Apostol Pablo sa Efeso 2 na ang lahat ng mga nakatanggap ng regalang ito galing sa Diyos ay hindi nararapat. Heto ang tatlong puntos upang lalo nating maintindihan ang regalo ng Diyos na tinatawag na grasya.

- **Ang hustisya ng Diyos ay ang pagbibigay Niya ng kung anong nararapat sa atin.**

Dati, namuhay din tayong katulad nila. Namuhay tayo ayon sa pagnanasa ng laman at sinunod natin ang masasamang hilig ng katawan at pag-iisip. Sa kalagayan nating iyon, kasama rin sana nila tayo na nararapat parusahan ng Diyos.

Efeso 2:3

Tayong lahat ay naghimagsik laban sa Diyos (Roma 3:9-18) at nararapat lamang tayong bigyan ng walang hanggang kaparusahan sa impiyerno. Ang totoo'y gumagawa tayo ng kasalanan dahil likas tayong makasalanan at hinatulan na ito noon pa man (Efeso 2:3). Kaya nga hindi pa rin sapat at katanggap-tanggap ang mga inaakala nating mabubuting gawain. At dahil makatarungan ang Diyos, may kaparusahan ang kasalanan. Papaano naipapakita sa Bibliya ang katarungan ng Diyos?

- **Ang awa ng Diyos ay ang hindi Niya pagpataw ng kung anong nararapat sa atin.**

⁴Ngunit napakamaawain ng Diyos at napakadakila ng pag-ibig niya sa atin, ⁵na kahit itinuturing tayong patay dahil sa mga kasalanan natin, muli niya tayong binuhay kasama si Cristo. (Kaya naligtas tayo dahil lamang sa biyaya ng Diyos.)

Efeso 2:4,5

Dahil sa awa ng Diyos, posible na ang maipagpaliban tayo sa kaparusahan. Hindi ito nangangahulugang nilalabag ng Diyos ang Kanyang sarili upang palampasin ang kamalian natin. Ang totoo'y tinanggap ni Jesus ang kaparusahan para sa ating kasalanan. Sa halip na tayo ang namatay sa krus at pupuntang impiyerno habang-buhay, si Jesus ang ating naging kapalit. Naging ganap kay Kristo ang kaparusahan ng ating kasalanan. Ibahagi ang panahong naranasan mo ang awa ng Diyos sa iyong buhay.

- **Ang grasya ng Diyos ay ang maluwag Niyang pagbibigay ng kabutihang hindi nararapat sa atin.**

⁶At dahil sa pakikipag-isa natin kay Cristo Jesus, binuhay tayo ng Diyos mula sa mga patay kasama si Cristo, para maghari tayong kasama niya sa kaharian sa langit. ⁷Ginawa niya ito para maipakita niya sa lahat, sa darating na panahon, ang hindi mapapantayang kasaganaan ng biyaya niya at kabutihan na ibinigay niya sa atin sa pamamagitan ni Cristo Jesus.

Efeso 2:6,7

Kay Kristo, hindi lamang tayo naipagpapaliban sa kaparusahang nararapat sa atin kundi nakatatanggap din tayo ng pagpapalang hindi naman naaayon sa atin. Ang grasya o pagpapalang ito ay may maraming anyo. Kalakip na rito ang pagiging anak ng Diyos (1 Juan 3:1), pagkakaroon ng kakayahang humindi sa kasalanan (Tito 3:5), ang bunga ng Espiritu (Galacia 5:22,23), atbp. Alin sa mga benepisyong ito ang natatamasa mo ngayon?